

Royal Carnival Group, Grupo di aña Carnaval Aruba 57 y 58

Un palabra di danki

DESPUES di apenas 2 aña di existencia e ta un orguyo cu nos di Royal Carnival Group ta mira atras ariba un Carnaval 2012 sumamente exitoso mescos cu aña pasa, caminda ta culmina e celebracion cu e distincion di Stichting Arubaanse Carnaval (SAC) como grupo di aña pa paradan grandi di Carnaval 58. Un pabien tambe na esnan di nos grupo cu a wordo premia pa Stichting Arubaanse Carnaval (SAC) durante paradan di grandi di Carnaval 58:

Parada San Nicolas

* 2nd Road Piece Luhoso - Caribbean The New Frontier (Frank Boekhoudt)

* Carosa Campeon - Voyage of the Yoruba

Parada Oranjestad

* Roadpiece Luhoso - Caribbean The New Frontier (Frank Boekhoudt)

* 2nd Road Piece Luhoso - Freedom & Emancipation (Lucy Fingal)

* 4th Body Piece Campeon - Freedom King

* Carosa Campeon - Voyage of the Yoruba

* 2nd Mini Roadpiece - Queen of Yoruba (Rosa Tromp)

Nos kier a tuma e oportunidad pa gradici tur esnan cu a haci e participacion di Royal Carnival Group y nos exito den Carnaval 58 posibel.

Primeramente nos kier gradici tur e participantenan di nos grupo pa tanto parada di luz y lighting parade como tambe paradan grandi pa e confiansa deposita den nos grupo. Boso energia, alegria, dedicacion y compromiso ta haci nos orguyoso di por bisa cu nos ta Royal. Alabes nos kier a pidi un disculpa di curason na nos participantenan pa e fayto tecnico experencia durante parada grandi di Oranjestad na momento cu nos tabata den Vondellaan. Apesar cu esaki no tabata nos fayto directamente

nos ta gradici boso tur pa e pasenshi desplega te ora a cu nos tecnonan y expertonan di nos crew a logra soluciona e problema. Danki tambe na SAC y tur esnan cu di un forma boluntario a brinda un ayudo y cooperacion pa nos soluciona e problema lo mas pronto posibel.

Nos kier a gradici nos house band NBO cu durante tur e paradan a anima nos participantenan di comienzo te na final. Tambe nos kier gradici e crew di tecnonan, mecanico, y helper di NBO cu tabata tey na tur momento pa garantiza cu e musica y zonido tabata tey constante. Danki special na Carolina Boekhoudt pa make us look fabulous.

Danki na nos group designers Ryan Maduro y Johnny Fingal cu e tema "The Caribbean Meets the Yoruba". Boso imaginacion, arte y creatividad ta master y insuperabel.

Un danki special na nos drivers y tambe tur esnan cu a traha den bar of a sirbi den e diferente seccionnan durante e paradan. Boso a haci un trabou fenomenal.

Danki tambe na tur welder, costurera, y tur esnan cu a kima dede na granel decorando y creando, y cu a traha cu nos grupo tanto pa paradan di anochi como di den dia. En special nos kier a gradici Eddy Ras y Elvis James pa ta e maestronan tras di construi nos flota campeon pa paradan grandi. Al igual danki na Aaron, Zulaika y Donisio cu a decora y finalisa nos flota campeon. Tur boso mannan magico a crea un espectáculo y luho increibel ariba caminda.

Danki na nos Royal Queens: Channela Maldonado, Indira Oliviera (1st Runner-Up Sra. Carnaval di Aruba), y Annemieke Maduro. Boso beyesa, carisma, y actuacion a conkista e curason di un y tur y a pone e accent ariba orguyo y a laga nos tur sinti nos mes Royal!

Di curason danki na tur lider di

seccion di nos grupo di den dia: Jean Carlo Flannegin y Magali Croes, Ryan Maduro y Franklin Boekhoudt, Rouelle Starke, Rodney Kamperveen, Carolina Boekhoudt, Rafael Wever, Lucy Fingal, Maria Lattig, Ardley Baiz, George Michel. Boso participacion y compromiso ta wordo hopi aprecia y sigur nos ta spera di sigui conta cu boso confiansa.

Danki special na the Coco-Rico Dancers y Sr. Alvin Koolman al igual na the Super Dancers. Boso tabata simplemente magnifico.

Danki na Prensa Arubano pa semper ta habri y dispuesto pa publica informacion tocante nos grupo, en special tur programan di carnaval tanto na canalnan di television como emisoranan radial.

Danki na Aruba Trading y R.E. Yrausquin & Sons kende tabata nos sponsornan principal di Carnaval 58. Nos ta spera di por sigui conta cu e confiansa den futuro y cu nos di berdad a logra brinda na boso e retorno na e inversion haci pa cu nos grupo.

Un pabien na tur grupo cu a participa den actividadnan y paradan di carnaval di Aruba. Boso participacion ta engrandecede e celebracion mas grandi di pueblo di Aruba. Laga nos tur keda corda tambe cu union ta haci forza y ta NOS ta Carnaval y Carnaval ta NOS.

Por ultimo e palabra di danki hopi grandi na publico pa banda di caminda y pueblo di Aruba en general pa boso aceptacion, aplausonan, palabranan di animo y reconocimiento. E premio di mas grandi pa nos como carnavalistanan di hopi aña di experiencia ta boso apoyo continuo pa cu nos grupo y participacion.

Pronto nos lo anuncia oficialmente nos tema pa paradan grandi di Aruba su Carnaval 59. Tur esnan interesa por sigui nos informacionnan regularmente



ariba nos facebook account of por manda nos un e-mail na royalcarnavalaruba@gmail.com. Pueblo di Aruba un biaha mas lo por conta sigur ariba e arte, luho,

beyesa, ambiente y espectáculo cu lo wordo brinda di parti di nos tur di Royal Carnival Group pa Carnaval 2013 cu lo bira un espectáculo dimes sin perde cabes.